



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

§. VIII. De Occurrentia, & Concurrentia Festorum simplicium.

urn:nbn:de:hbz:466:1-39937

Occurrentias, quàm Concurrentias Dominicarum (seu majores, seu minores illæ sint) pariter constat tum ex dictis præcedentibus §. §. de Occurrentia & Concurrentia Festorum in

utriusque generis Dominicis : atque etiam annorum suis locis tum P. I. & II. tum etiam Parte hac III. hujus Ephemerologi reperire.

§. VIII.

De Occurrentia, & Concurrentia Festorum simplicium.

FESTA SIMPLICIA (ità dicta, quòd *simplici*, seu *minus solenni Ritu* celebrentur) alio nomine etiam *Festa trium Lectionum* vocantur, quòd *unum tantum Nocturnum*, & *tres duntaxat in suo Officio habeant Lectiones*, quarum prima tantum est de Sacra Scriptura, si Sanctus secundam & tertiam propriam habeat; si autem is unam tantum habuerit (vel *propriam*, vel ex *Communi Sanctorum assignatam*) tum *prima Lectio & secunda* erit de Scriptura, *tertia de Sancto*. Fit autem Officium, & *Missa de Festo simplici* eò die, quòd cadit, nisi eodem die occurrat fieri Officium 9. Lectionum, vel de *S. Maria in Sabbato*, vel de *Feria majore*, aut de *Vigilia*; quandoquidem *Festum simplex* his omnibus cedit, non tamen propterea transfertur, sed vel totum omittitur, si die illo occurrat *Festum duplex* 1. *Classis*, vel, si tale non oc-

currat, fit de ipso saltem *Commemoratio*, ut infra. Modus vero, quòd fit de illo, ex supra dictis per Decursum est iste : ad *Matutinum* dictis *Invitatorio*, & *Hymno de Festo* ut in *Communi Sanctorum*, dicitur *Nocturnum Feriæ* occurrentis cum *Antiphonis*, & 12. *Psalmis*, ut in *Psalterio* : ijs subjungitur *Verba de Festo*, ut in qualibet *Feria notatur*, desumptus ex eo *Nocturnum*, quòd in *Communi Sanctorum Feriæ* currenti correspondet : Idem est de *Abolutione*, quæ, si *Festum simplex* incidat in *Feriam II. aut V. est : Exaudi Domine &c.* si in *Feriam III. aut VI. tunc : Ipsius pietas &c.* si *decidat* in *Feriam IV. est A Vinculis &c.* *Benedictio* autem 1. *semper est : Domine nos benedicat &c.* 2. *Cujus*, vel *quorum*, vel *quarum Festum Columæ &c.* 3. *Ad Societatem &c.* Postea dicuntur 3. *Lectiones*, ut supra, una scilicet vel duæ de *Scripturæ* occurrunt.

de Sancto, aut Sanctis, de quo, aut quibus fit Officium: Responsoria, quæ dicuntur post 1. & 2. Lectionem, sumuntur regulariter (nisi scilicet aliud assignetur) de Communi Sanctorum, secundum Ferias, id est, Feriâ II. & V. ex I. Nocturno de Commun. Sanctor. addendo in fine secundi Responsorij Gloria Patri &c, cum Repetitione Partis Responsorij. Feriâ III. & VI. ex II. Nocturno, itidem addendo in fine secundi Responsorij Gloria Patri, cum Repetitione partis Responsorij. Feriâ denique IV. ex III. Nocturno, ut ibi. Post tertiam Lectionem dicitur Te DEUM Laudamus. Ad Laudes & per Horas omnia dicuntur de Festo eodè omnino modo, quò in semiduplicibus illius Temporis usque ad Nonam inclusive, quâ terminatur Officium Festi simplicis, eo die occurrentis. In Missa dicuntur Glor. sine Cred. orationes verò tres, vel quinque, vel septem, aut etiam plures, dummodo impares, eas tamen prius, seu ante alias, ac necessario dices, quæ in Rubricis pro Qualitate Temporis Occurrentis assignantur pro Oratione 2. vel 3. Præf. pariter dicitur de Temp. curr. Præterea, si Festum simplex occurrat primâ die Mensis, Octidii 9. Lectionum extra Adventum, Quadragesimam, & Tempus Paschale non impeditur, aut Feriâ II. similiter non impeditur extra Quadragesimam, ac Tempus Paschale,

tunc observanda sunt ea tum in Ecclesijs Cathedralibus & Collegiatis, tum etiam in alijs quoad Missas tam Conventuales, quàm etiam privatas, quæ præscribit Rubr. Missal. V. n. 1. & 2. nominatim circa dicendam Orationem Fidelium, de quibus Nos quoque, quantum satis est, alibi.

His præmissis, ad Occurrentiam Festorum simplicium quod attinet, constat ex paulò autè, ac suprâ dictis

1. Si Festum simplex incidat in diem, quò occurrit fieri de Festo duplici 1. Classis, nec in Officio, nec in Missa fieri aliquid de simplici, ne quidem aliquam Commemorationem (exceptâ solâ S. Anastasiâ Martyr: de qua in Festo 1. Clavis Nativitatis Domini fit Commemoratio, attamen in sola secunda illius Missa) & quoniam Festum simplex non transfertur, ideo etiam deinceps, seu die alio, nil ampliùs fit de illo per Rubr. Gen. X. Breviar. n. 8. Unde etiam si alicubi celebretur Festum Patroni principalis, aut Titularis Ecclesie, & ille in Kalendario Romano cum alio aut alijs Sanctis sit descriptus tanquam Festum simplex, in ea tamen Ecclesia sic tantum de Patrono, vel Titulari, absque Commemoratione Socij, vel Sociorum; eò quòd solus Patronus (idem est de Titulari Ecclesia) sit duplex 1. Classis, non item eius Socius, vel Socij, ut ponitur, sed hi retineant Ritum simplicem, & quia

|| X 2 ||

quia

quia *simplex* non transfertur, etiam deinceps nil ampliùs fit ibi de Socio, vel Socijs.

2. Si *Festum simplex* incidat in diem, quò occurrit fieri de Festo *duplici* 2. *Classis*, fit de illo Commemoratio in *Laudibus*, & *Missis privatis* tantùm: legitur tamen de illo in tali Festo etiam *nona Lectio*, si propriam habeat (faciendo ex duabus unam, si duas habeat) in *Officio*, dummodo non occurrat simul *Dominica*, aut *Vigilia*, vel aliqua *Feria major* proprium habens *Evangelium*; tunc enim 9. *Lectio* in *Officio*, & ultimum *Evangelium* in *Missis* dicuntur de *Dominica*, aut de *Vigilia*, aut de *Feria* ejusmodi *occurren*te, de Festo autem *simplici* simul *occurren*te fit tunc solummodo *Commemoratio*, & quidem post *Commemoratio* nem de *Dominica*, aut *Feria major*e, vel *Vigilia*, attamen in *Laudibus*, ut dixi, ac *Missis privatis* tantùm talis Festi.

3. Si *Festum simplex* occurrat eodem die, quò simul occurrit *duplex majus*, aut *minus*, aut *Festum semiduplex*, aut *dies infra Octavam*, vel ipsa *dies Octava*, fit de eo in *Officio*, & *Missis* *Commemoratio*, ut supra §. 3. 4. 5. & 6. ubi de ejusmodi *Festorum*, & *dierum* in *Festis simplicibus* *Occurrentiâ* singillatim tractavimus.

4. Si *Festum simplex* occurrat in *Dominica* (seu *major*e, seu *minor*e) & fiat de eâ *Officium*, fit re-

gulariter de *occurren*te Festo *simplici* *Commemoratio* in I. *Vesperis*, *Laudibus*, ac *Missis* *Dominicæ*, ut supra dictum. Dixi autem: *regiar*er; Nam *Excipitur* I. *Dominica* *Palmarum*, in cujus *Missis*, ut ibidem diximus, non fit *Commemoratio* de Festo *simplici*, in illa *Dominica* *occurren*te, quantumvis facta fit in eod. jusdem *Vesperis*, ac *Laudibus*. *Excipitur* 2. *Dominica* *Paschæ*, & *Pentecostes* cum duabus sequentibus diebus, in quibus nec in toto *Officio*, nec in *Missis* fit *Commemoratio* de Festo *simplici*.

5. Si *Festum simplex* occurrat eo die, quò fit de *S. Maria* *Sabbato*, fit de Festo *simplici* *Commemoratio* in pridianis *Vesperis* (nisi illæ fuerint de Festo *duplici* 1. *Classis*) nec non in *Laudibus*, ac *Missis* *MARIÆ* in *Sabbato*, sine *Lectio*ne de illo *simplici*, etiam si propriam alioquin habeat. Quòd si præ illius *Sabbati*, quò fit de *S. Maria* in *Sabbato*, factum fuerit de Festo *duplici* 1. *Classis*, tunc in pridianis *Vesperis* *Commemoratio* de *S. Maria* pro *Officio* sequentis *Sabbati* facta est ante *Festum simplex* in *Sabbato* *occurren*s, nisi pridianæ illæ *Vesperæ* fuerint de Festo *duplici* 1. *Classis*; nam quia *Festum duplex* 1. *Classis* etiam in II. *Vesperis* excludit omnem *Officij simplicis* *Commemoratio* nem, ideo tunc nec *S. Maria* in *Sabbato*, nec *Festi* alterius *simplicis* in

pridianis illis Vesperis facienda est
 et Commemoratio. Quòd si oc-
 currens Festum simplex habeat pro-
 priam Lectionem (seu unam, seu
 duplicem) omittitur illa juxta pau-
 lo ante dicta, eò annò, quò occur-
 rit in tali Sabbato. Quòd si duo
 festa simplicia occurrant eodem die,
 quò sit de S. Maria in Sabbato (uti
 contingit quandoque die 1. Septem-
 bris, vel die 7. Octobris incidente
 in Sabbatum) sit de utroque tam in
 Officio, quàm in Missa S. MARIAE in
 Sabbato, prædictò modò Commem-
 oratio. Quòd si in Missa de B.
 MARIA in Sabb. ratione Mensis di-
 cenda sit Oratio Fidelium, tunc si si-
 mul occurrat Festum simplex, & qui-
 dem unum tantùm, secunda Oratio
 erit Fidelium. 3. de simplicibus, nisi for-
 sit libeat plures dicere Orationes
 (modò impari numero) quàm tres;
 tunc enim secunda Oratio erit de
 simplicibus, penultima verò Fidelium.
 Quòd si in Missa de B. M. in Sabbato
 dicenda sit ratione Mensis Oratio
 Fidelium, & simul facienda Com-
 memoratio de duobus Festis simplici-
 bus occurrentibus, tunc vi Rubrica-
 rum dicendæ ad minimum sunt 5. O-
 rationes, hoc Ordine : 1. de B.
 M. in Sabbato. 2. de primo Festo
 simplici occurrente. 3. De secundo
 Festo simplici occurr. 4. Fidelium.
 5. De S. Spiritu, DEUS, qui corda Fi-
 delium &c, & ità practicare solet i-
 plium Directorium Romanum. In

Ecclesijs autem Cathedralibus, & Col-
 legiatis Observanda sunt ea, quæ præ-
 scribit Rubric. General. V. Missal.
 n. 1.

6. Si eodem die occurrant
 duo Festa simplicia (v. g. S. Ægidius
 Abbas, & Ss. 12. Fratres 1. Septem-
 bris, vel S. Marcus Pap. & Ss. Ser-
 gius, ac Socij MM. 7. Octob.) tunc,
 nisi occurrat fieri de Festo 9. Lectio-
 num, vel de S. MARIA in Sabbat. vel de
 Vigilia &c, Officium sit de primo,
 nonnisi Commemoratio autem de
 secundo in 1. Vesperis (nisi hæ
 sint de duplici 1. Classis) nec non in
 Laudibus, & Missa; in qua si ratio-
 ne Mensis, vel Feria II. dicendum sit
 Fidelium, Oratio 2. erit Fidelium. 3.
 de Festo simplici secundo, ut supra n. 5.
 preced. & ità rursus habet praxis
 Romana.

7. Si Festum simplex occur-
 rat in Feria aliqua majore non im-
 peditur Festo 9. Lectionum, Offi-
 cium, & Missa sit de Feria majore,
 de Festo simplici autem sit tantùm
 Commemoratio (sine aliqua de eo
 Lectione, etiam si alioqui propriam
 habeat) in pridianis Vesperis (ni-
 si istæ fuerint de duplici 1. Classis)
 nec non in Laudibus, & Missa : in
 qua si facienda sit quoque Commem-
 oratio de occurrente aliqua Vigilia,
 Commemoratio Vigilia præcedere
 debet Commemorationem Festi sim-
 plicis, non tamen dicendum tunc est
 ultimum Evangelium de Vigilia in



Missæ *Feria majoris*, sed *Evang. S. Joan.*
 8. Si *Festum simplex* occurrit in *Vigilia*, quæ *jejunatur*, & non occurrat *Festum 9. Lectionum*, tunc extra *Dominicam, Adventum, & Quadragesimam*, *Officium* fit de *Vigilia*, *Commemoratio* autem (sine *Lectio*) de *Festo simplici* occurrente in *Officio* & *Missæ* : quod si simul in *Vigilia* occurrat aliud *Festum simplex*, vel dicenda sit *ratione mensis*, aut *Feriae II. Oratio Fidelium*, tunc observanda sunt ea, quæ supra *n. 5.* hujus *s.* & simul ea, quæ præscribit *Rubr. Gen. V. Missal. n. 1. & 2.* tam pro *Missis privatis*, quàm *Conventualibus Ecclesiarum Cathedral. & Collegiatar.* Quod si *Vigilia* cum *Festo simplici* occurrens in *Dominica* ex *Rubricarum* *Præscripto* transferatur, seu anticipetur ad præcedens *Sabbatum*, non perinde transfertur etiam *Festum simplex*, sed de isto fit in ipsa *Dominica*, ac proprio die, non quidem *Officium*, attamen ei competens *Commemoratio* : at verò in *Missæ Vigilia*, ad præcedens *Sabbatum* anticipatæ, tunc *Oratio 2. extra Adventum* est *Concede. 3. Ecclesie*, vel pro *Pap.* Excipitur 1. *Vigilia Omnium Sanctorum*, in cujus *Missæ Oratio 2.* est de *S. Spiritu. 3. Ecclesie*, vel pro *Papa*, Excipitur 2. *Vigilia Nativitatis Domini*, quæ occurrens etiam in *Dominica* non transfertur, sed celebratur ut ibi, cum unica *Oratione* in *Officio, & Missæ*. Quod si

eadem die occurrant *Festum simplex, Vigilia, & dies infra Octavam*, tam privilegiam, quàm non privilegiam, observanda erunt tum dicta superioris *Tit. de Octavis*, tum ea, quæ præscribit *Rubrica Breviar. Gen. VI. n. 1. & Rubrica General. III. Missal. n. 2.* Si *Festum simplex* occurrat in *Vigilia* *Tempore Adventu*, attamen extra *quatuor Tempora* quandoque contingit quoad *Vigiliam S. Andreae*, & aliquando contingit potest etiam quoad *Vigiliam S. Thomæ Apostol.* tunc de *Festo simplici* *Commemoratio* in *Officio* (dicenda nisi occurrat fieri de *Festo 9. Lectionum, de Feria Adventus*, ut ibi) *Commemoratio Vigiliae*, utpote quæ veniens in *Adventu* nihil habet in *Officio* (exceptâ tamen *Vigilia Nativitatis Domini*) ne quidem *Commemorationem* : *Missæ* autem tunc dicitur de *Vigilia*, cum *Commemoratione* primâ de *Feria Adventus* ex *Dominica* præcedente, & 3. *Oratione* de *Festo simplici* occurrente ; ac simul observanda tunc erit *Rubrica Missal. V. n. 2.* Si autem *Vigilia*, in qua *Festum simplex* occurrit in *Adventu*, incidat in aliquam *Festam quatuor Temporum* (uti non raro incidit *Vigilia S. Thomæ*) tunc in *Officio* illius diei, dicendo (nisi occurrat fieri de *Festo 9. Lectionum*) *Feria* occurrente *quatuor Temporum* nihil fit de *Vigilia*, bene tamen *Commemoratio* de *Festo simplici* occurrente.

Et hæc de Occurrentia

Festorum simplicium.

AD eorundem Festorum simplicium Concurrentiam verò, quod attinet, Rubricæ præscribunt sequentia :

1. Si cum Festo simplici subsequente in 2. suis Vesperis concurrat Festum 9. Lectionum, & illud non sit duplex 1. Classis, tunc integræ quidem Vesperæ dicuntur de præcedente, fit tamen Commemoratio de Festo simplici sequente, nisi cras simul occurrat Festum 1. aut 2. Classis : si enim vel hodie factum fuisset de Festo duplici 1. Classis, aut cras fieret de Festo duplici 1. vel 2. Classis, tunc nullam in pridianis Vesperis Commemorationem de Festo simplici subsequente permetterent Rubricæ.

2. Si cum Festo simplici subsequente in secundis suis Vesperis concurrat quæcunque dies Octava, aut Dominica, & cras non occurrat Festum duplex 1. vel 2. Classis, rursus integræ Vesperæ dicuntur de Præcedente, & fit Commemoratio Festi simplicis subsequentis.

3. Festum simplex nunquam primas Vesperas integras habet, sed medias ad summum duntaxat, nempe à Capitulo tantum, idque in duplici casu : primus est, quando pridie

occurren-
te, sine aliqua de illo Lectio-
ne 3. in Missa verò, quæ tunc non
dicitur de Vigilia, sed (nisi occurrat
Festum 9. Lectionum) de Feriâ qua-
tuor Temporum, fit prima Comme-
moratio de Vigilia, secunda autem
de simplici, si quod alicubi occur-
rit. Simili modo ordinatur Offi-
cium, & Missa, si Festum simplex
incidat in Vigiliam S. Mathie Apo-
stoli in Quadragesima.

9. Si Festum simplex incidat
in Vigiliam, quæ non jejunatur
quales sunt duæ, nempe Vigilia E-
stivæ, & in Ecclesia universalis
Vigilia Ascensionis Domini fit de eo
Commemoratio in Officio & Missa,
ubi.

10. Si Festum 9. Lectionum
(in quo de Festo simplici, unâ secum
occurrente alioqui fieri solet Com-
memoratio, aut etiam nona Lectio
) ob proprium diem impedi-
tum transferatur, non perinde cum
Festo transferatur etiam Festum sim-
plex, sed de hoc fit semper proprio
die, saltem ei competens Comme-
moratio, nisi à Festo solenniori
impediatur : nam si in eundem diem
incidat Festum duplex 1. Classis nihil
de simplici, ne quidem Comme-
moratio in Officio, & Missa; si autem
in eundem diem incidat Festum du-
plex 2. Classis, fit quidem de eo ali-
qua Commemoratio, attamen non
in Laudibus, ac Missis privatis.

die Festi simplicis factum est extra Adventum & Quadragesimam de Feria; quia enim Officium Feriæ præcedentis juxta Rubricas tunc terminatur primùm ad Capitulum Vesperarum, & inde primùm incipiunt Vesperæ Festi simplicis sequentis, ideo in eo casu Vesperæ illius diei, quæ Festum simplex præcedit, dicuntur usque ad Capitulum de Feria tunc currente, ut in Psalterio; à Capitulo verò de Festo simplici sequente, absque ulla deinceps Commemoratione *Feriæ*, atque etiam de *Cruce* (nisi currat Tempus Paschale; tunc enim in *Vesperis*, & *Laudibus* Festi simplicis fit etiam Commem. de *Cruce*, omisissis tamen tunc Suffragijs Sanctorum, verùm propria illius Temporis, ut ibi) attamen cum consuetis Suffragijs Sanctorum. secundus casus est, quando unum Festum simplex immediatè sequitur post aliud, de quo pridie posterioris factum est Officium: tunc enim, quia prioris Officium jam terminatum fuit ad Nonam, posterioris autè Vesp. pridianæ primùm incipiunt à Capit. ideo pridie posterioris Psalmi cum Antiphonis sumendi sunt in Vesperis de *Feria* occurrente, à Capit. autem primùm hæc dicendæ de Festo simplici subsequente, sine Commemoratione *Feriæ*, ac Festi simplicis præcedentis. Unde si tria Festa simplicia v. g. in Feriam II. III. & IV. non impeditam inci-

derent, pridie primi fieret in Vesperis pridianis Dominicalibus solummodo Commemoratio; pridie autem secundi, & tertij Vesperæ dicerentur usque ad Capitulum de *Feria* occurrente, ut in Psalterio, à Capitulo autem de Festo simplici sequente, sine Commemoratione præcedentis Festi simplicis, aut *Feriæ*, quia, ut dictum, Officium simplex præcedens terminatur ad Nonam, posterioris autem Vesperæ incipiunt primùm à Capitulo; consequenter usque ad Capitulum occupat ea *Feria* occurrens, utpote à nullo Festo eò usque prætendibiles. Quod si Feriâ V. subsequente nullum postur occurrere Festum, tunc *Feria* IV. præcedens integras, sibi vendicabit illius diei, seu *Feriæ* III. Vesperas; quia Festum simplex tempore terminatum jam ad Nonam, secundas Vesperas non habet. Unde ulterius si duo *Festa* simplicia in Feriam II. & III. ante diem Cinerum inciderent, tunc *Feria* III. ante Cineres ob eandem Rationem primas quidem *Vesperas* exigeret solummodo dimidias (quatenus *Feria* II. præcedente Psalmi & Antiphonæ usque ad Capitulum deberent esse *Prædianæ* de *Feria* II. currente, à Capitulo autem de Festo simplici subsequente secundas verò *Vesperas* *Feria* illa vendicaret: quia *Feria* III. Cinerum Officium juxta Rubric. Generalem V. n. 2. primùm incipit

Matutino. Idem est de alijs Fe-
stis majoribus, atque etiam Vigilijs,
quarum omnia Officia cum pariter
incipiant à Matutino, & non à pridia-
nis Vesperis, ideo si Feria IV. aut
VI. quatuor Temporum Septembris,
aut Feria IV. Cinerum, aut in aliqua
Vigilia occurrat Festum simplex, de quo
habetur debet Commemoratio, tunc
præcedenti die (nisi fuerit Festum
9. Lectionum) Vesperæ integræ
dicuntur de Feria Currente, ut in
Placitorio, sine precibus feriali-
bus, cum Oratione Dominica præ-
cedenti, necnon cum Commemora-
tione Festi trium Lectionum, in se-
quenti Feria occurrentis.

4. Festum simplex non po-
test cum alio concurrere in secundis
Vesperis (licet cum ipso possit esse
conclusus in primis Vesperis) quia
non habet secundas Vesperas, sed ejus
Officium jam terminatur ad Nonam,
& deinceps nihil fit amplius de eo,
nec Commemoratio: unde si se-
quatur aliud Festum simplex, Psalmi
& Antiphonæ in pridianis hujus Ve-
spers erunt de Feria currente, à
Capitulo autem erunt Vesperæ illæ
pridianæ de Festo simplici sequente,
sine Commemoratione Festi simplici
præcedentis. Idem est, si Feria

VI. præcedente factum fuit de Festo
simplici, & Sabbato sequente occurrat
feri de S. Maria in Sabbato; tunc e-
nim Feria VI. præcedente Psalmi
Vesperarum unà cum Antiphonis
pariter sunt feriales, à Capitulo au-
tem fit de B. M. in Sabbato, sine
Commemoratione Festi simplici præ-
cedentis, bene tamen cum Com-
memoratione Festi simplici sequen-
ti Sabbato occurrentis, si quod se-
quenti eò Sabbato occurrat; cui
Commemorationi subjunguntur Com-
memorationes Communiter de A-
postolis &c (si currat Tempus, quò
dicuntur) Tempore verò Paschali
Commemoratio Paschalis de Cru-
ce.

Si autem postridie illius diei,
quò factum est de Festo simplici, se-
quatur Officium novem Lectionum,
integræ Vesperæ erunt de sequen-
ti, sine ulla Commemoratione Fe-
sti simplici præcedentis.

Si denique post Festum sim-
plex, v. g. hodie celebratum, cras
nullum sequatur Festum, subintrat
Officium de Tempore, adeoque
hodiernum Vesperarum Officium
torum tunc erit de Feria currente.
Rubr. Gen. XI. n. 8.

